

# Engleski jezik



**Engleski jezik** je zapadno-germanski jezik koji je sprva upotrebljavala rana srednjovjekovna Engleska, a sada je globalni *lingua franca*.<sup>[1][2]</sup> Engleski je bilo službeni jezik ili jedan od službenih jezika u skoro 60 suverenih država. Najčešće je govoreni jezik u Ujedinjenom Kraljevstvu, Americi, Kanadi, Australiji, Irskoj i Novom Zelandu, i široko se govori na Karibima, Africi i Južnoj Aziji.<sup>[3]</sup> Ovo je treći najčešći maternji jezik u svijetu, nakon mandarinskog i španskog.<sup>[4]</sup> Najčešće je učeni strani jezik i službeni jezik Ujedinjenih Nacija, Evropske unije, a koristi se i u više svjetskih i regionalnih međunarodnih organizacija. Najšire je korišten jezik germanske gupe, brojeći najmanje 70% govornika ove indoevropske branše.

Engleski se razvio kroz period od više od 1400 godina. Najraniji oblici engleskog, kao skup anglo-friskih dijalekata koji su donijeli u Veliku Britaniju anglosaksonski naseljenici u 5. vijeku, zvali su se Staroengleski. Srednji engleski je počeo u kasnom 11. vijeku sa Normanskim osvajanjem Engleske.<sup>[5]</sup> Rani moderni engleski počeo je krajem 15. vijeka sa uvođenjem štampanih medija u London i biblije kralja Jakova, kao i sa početkom Velike smjene samoglasnika.<sup>[6]</sup> Kroz svjetki uticaj Britanskog carstva, modern engleski se raširio širom svijeta od 17. do sredine 20. vijeka. Kroz sve tipove printanih i elektronskih medija, kao i sa pojavom Sjedinjenih Država kao globalne supersile, engleski jezik je postao glavni jezik na međunarodnoj sceni i lingua franca u više regija i u profesionalnom kontekstu kao što je nauka, navigacija i pravo.<sup>[7]</sup>

Moderni engleski ima malo infleksije u usporedbi sa više drugih jezika, i zasniva se više na pomoćnim glagolima i redu riječi za izražavanje kompleksnih vremena, aspekata i raspoloženja, kao i pasivne konstrukcije, upita i nešto negacije. Bez obzira na vidljivu varijaciju među akcenata i dijalekata engleskog korištenih u različitim državama i regijama – u smislu fonetike i fonologije, a ponekad isto i vokabulara, gramatike i izgovora – govornici engleskog jezika širom svijeta su u mogućnosti komunicirati međusobno relativno bez poteškoća.

## Engleski jezik

### English

<b>Države</b>	 Ujedinjeno Kraljevstvo
<b>govorenja</b>	 Sjedinjene Američke Države
	 Kanada
	 Australija i druge
<b>Regije</b>	Uglavnom Zapadna Evropa,
<b>govorenja</b>	Sjeverna Amerika i Australazija
<b>Broj govornika</b>	maternji jezik: oko 304-400 miliona

strani jezik: od 199 miliona - 1,4 milijarde

**Rang** 3.

**Jezička porodica** indoevropski  
germanski  
zapadnogermanski  
anglijski

### engleski

### Službeni status

<b>Služben u</b>	 Ujedinjeno Kraljevstvo
	 Kanada
	 Australija
	 Novi Zeland
	većina ostalih zemalja
	Commonwealtha, mnoge države
	SAD-a i druge

**Regulatori** nema zvanične regulacije

### Jezički kod

<b>ISO 639-1</b>	en
<b>ISO 639-2</b>	eng
<b>ISO 639-3</b>	eng ( <a href="http://www-01.sil.org/iso639-3/documentation.asp?id=eng">http://www-01.sil.org/iso639-3/documentation.asp?id=eng</a> )

**Također pogledajte:** [Jezik](#) | [Spisak jezika](#)

## Sadržaj

### Klasifikacija




Države gdje se govori engleski

## Klasifikacija



EN (ISO 639-1)



Filogenetsko drvo pokazuje historijske veze između jezika zapadnogermanske grane germanskih jezika.

Engleski je indoevropski jezik, te pripada zapadnogermanskoj grupi germanskih jezika.<sup>[8]</sup> Najbliži engleskom jesu friski jezici, kao i engleska i friska forma od Anglo-friske podgrupe unutar zapadnogermanskih. Starosaksonski jezik i njegovi nasljednici niskonjemački jezici također su blisko vezani, a ponekad niski njemački, engleski i friski grupišu se zajedno kao ingvaeonički jezici i sjevernomorski germanski jezici.<sup>[9]</sup> Modernni engleski je nasljednik srednjeg engleskog jezika, koji dalje dolazi od staroengleskog jezika.<sup>[10]</sup> Određeni dijalekti starog i srednjeg engleskog razvijeni su u veći broj drugih engleskih (anglikanskih) jezika, uključujući škotski jezik<sup>[11]</sup> kao i izumrli fingalijski jezik i Forth i Bargy dijalekte u Irskoj.<sup>[12]</sup>

Engleski je klasificiran kao germanski jezik jer dijeli nove jezičke osobine (različite od ostalih indoevropskih jezika) sa ostalim germanskim jezicima poput holandskog, njemačkog i švedskog.<sup>[13]</sup> Ove dijeljene inovacije pokazuju da su jezici nastali od jednog zajedničkog pretka, koji lingvisti nazivaju pragermanski. Neke dijeljene osobine germanskih jezika jesu upotreba modalnih glagola, podjela glagola u jake i slabe klase, i promjena glasa utjecajna na praindoevropske suglasnike, poznata kao Grimmov i Vernerov zakon. Kroz Grimmov zakon, riječ za *foot* počinje sa {IPA/f/} u germanskim jezicima, ali srodne riječi u ostalim indoevropskim jezicima počinju sa /p/. Engleski je klasificiran kao anglofriski jezik jer friski i engleski dijele ostale osobine, kao što je palatalizacija suglasnika koji su bili velarni suglasnici u pragermanskom.<sup>[14]</sup>

- Engleski *sing, sang, sung*; Holandski *zingen, zong, gezongen*; Njemački *singen, sang, gesungen* (jaki glagol)

Engleski *laugh, laughed*; Holandski i njemački *lachen, lachte* (slabi glagol)

- Engleski *foot*, Holandski *voet*, German *Fuß*, Norveški i švedski *fot* (inicijalno /f/ izvedeno iz protoindoevropskog \*p kroz Grimmov zakon)

Latinski *pes, ped-*; Moderni grčki πόδι *pódi*; Ruski под *pod*; Sanskrit पद् *pád* (originalno protoindoevropski \*p)

- Engleski *cheese*, friski *tsiis* (*ch* i *ts* sa palatalizacijom)

Njemački *Käse* i holandski *kaas* (*k* bez palatalizacije)

Engleski, kao ostali ostrvski germanski jezici, islandski i farski, razvili su se nezavisno od kontinentalnih germanskih jezika i njihovih uticaja. Engleski tako nije međusobno razumljiv ni sa jednim kontinentalnim germanskim jezikom, razlikujući se u rječniku, sintaksi i fonologiji, iako neki, kao što je holandski, pokazuju jake afinitete sa engleskim, posebno sa njegovim ranijim fazama.<sup>[15]</sup>

Pošto se engleski kroz historiju značajno izmijenio u odgovoru na kontakt sa drugim jezicima, posebno staronorveškim i normanskim francuskim, neki učenjaci su tvrdili da engleski može biti smatran mijašanim jezikom ili kreolskim – teorija zvana "Kreolska hipoteza o srednjem engleskom". Iako postoji veliki stepen uticaja iz ovih jezika na rječnik i gramatiku modernog engleskog, većina jezičkih specijalista ne smatraju engleski pravim miješanim jezikom.<sup>[16][17]</sup>

## Historija

---

Engleski jezik je nastao iz jezika germanskih plemena koja su se u kasnom starom vijeku naselila na jugoistoku otoka Velike Britanije. S razvojem kolonijalnog carstva Engleske, u područjima koja je kolonizirala njen je jezik postajao dominantan, a često i službeni. U Sjedinjenim Američkim Državama na saveznoj razini ne postoji službeni jezik, ali *de facto* službeni jezik je engleski. U Kanadi se, osim u Quebecu gdje je dominantniji francuski, također govori engleski. Jezici indijanskih plemena koja su živjela u Sjevernoj Americi su skoro izumrli, kako su dotična plemena raseljena u rezervate i pri tome bitno reducirana, a praktično svi njihovi pripadnici asimilirani u današnju civilizaciju.

Sličan proces zbivao se za vrijeme kolonizacije Južnoafričke Republike, Australije te Novog Zelanda, s istim posljedicama.

## Gramatika

---

Za razliku od bosanskog i većine slavenskih jezika engleski je tokom historijskog razvoja gotovo izgubio deklinaciju imenica i pridjeva:

- množina pravilnih imenica tvori se dodavanjem nastavka **s** ili **es**,
- praktično postoje dva padeža, nominativ i tzv. saksonski genitiv

## Izgovor

---

Engleski za većinu riječi ima tzv. historijski pravopis koji je uglavnom fiksiran u vrijeme izuma štamparstva pa je zbog jezičnih promjena teško predvidjeti izgovor riječi na temelju zapisanog oblika. Također, u engleskom postoje neki glasovi kojih nema u bosanskom jeziku, naprimjer suglasnik /ð/ u riječi *the* i veći broj samoglasnika i dvoglasa.

## Reference

---

1. Crystal 2003a, str. 6.
2. Wardhaugh 2010, str. 55.
3. Crystal 2003b, str. 108–109.
4. Ethnologue 2010.
5. Crystal 2003b, str. 30.

6. *"How English evolved into a global language"* (<http://www.bbc.co.uk/news/magazine-12017753>). BBC. 20. 12. 2010. Pristupljeno 9. 8. 2015.
7. *The Routes of English* 2015.
8. *Bammesberger* 1992, str. 29–30.
9. *Bammesberger* 1992, str. 30.
10. *Robinson* 1992.
11. *Romaine* 1982, str. 56–65.
12. *Barry* 1982, str. 86–87.
13. *Durrell* 2006.
14. *König i van der Auwera* 1994.
15. *Harbert* 2007.
16. *Thomason i Kaufman* 1988, str. 264–265.
17. *Watts* 2011, Chapter 4.

## Vanjski linkovi

- [rjecnik.ba](http://www.rjecnik.ba/) On-Line Englesko-Bosanski dvosmjerni rječnik (<http://www.rjecnik.ba/>) (en)
- [Cambridge rječnik](http://dictionary.cambridge.org/) (<http://dictionary.cambridge.org/>) (en)
- [Engleski online riječnici](http://dicts.info/dictlist1.php) (<http://dicts.info/dictlist1.php>) (en)
- [Online alati za učenje engleskog jezika](http://www.online-utility.org/english/index.jsp) (<http://www.online-utility.org/english/index.jsp>)
- [Engleska Wikipedia](https://en.wikipedia.org/) (<https://en.wikipedia.org/>) (en)
- [More than 20000 English words recorded by a native speaker](https://web.archive.org/web/20090611150831/http://itcansay.com/) (<https://web.archive.org/web/20090611150831/http://itcansay.com/>) (en)
- [Bosnian-English dictionary](https://web.archive.org/web/20130116183059/http://glosbe.com/bs/en/) (<https://web.archive.org/web/20130116183059/http://glosbe.com/bs/en/>) (en)



Commons ima datoteke na temu: **Engleski jezik** ([https://commons.wikimedia.org/wiki/Category:English\\_language?uselang=bs](https://commons.wikimedia.org/wiki/Category:English_language?uselang=bs))

P • R • U ([https://bs.wikipedia.org/w/index.php?title=%C5%A0ablon:Slu%C5%BEbeni\\_jezici\\_EU&action=edit](https://bs.wikipedia.org/w/index.php?title=%C5%A0ablon:Slu%C5%BEbeni_jezici_EU&action=edit))

### Službeni jezici Evropske unije

[bugarski](#) • [češki](#) • [danski](#) • [engleski](#) • [estonski](#) • [finski](#) • [francuski](#) • [grčki](#) • [holandski](#) • [hrvatski](#) • [irski](#) • [italijanski](#) • [latvijski](#) • [litvanski](#) • [mađarski](#) • [malteški](#) • [njemački](#) • [poljski](#) • [portugalski](#) • [rumunski](#) • [slovački](#) • [slovenski](#) • [španski](#) • [švedski](#)



Preuzeto iz "[https://bs.wikipedia.org/w/index.php?title=Engleski\\_jezik&oldid=3154329](https://bs.wikipedia.org/w/index.php?title=Engleski_jezik&oldid=3154329)"

Ova stranica je posljednji put izmijenjena na datum 18 februar 2020 u 21:14.

Tekst je dostupan pod slobodnom licencom Autorstvo-Dijeliti pod istim uvjetima; mogu se primijeniti i dodatni uvjeti. Korištenjem ovog sajta slažete se s [uvjetima korištenja](#) i [pravilima o privatnosti](#). Wikipedia® je zaštitni znak neprofitne organizacije [Wikimedia Foundation, Inc.](#)